

沈雲龍編輯

明清史料彙編

三集

第八冊

文海出版社
印行

明清史料彙編三集目錄

第八冊

庭聞錄	清·劉健撰	三八三
綏寇紀略	清·吳偉業撰	三九四

庭聞錄

庭聞錄序

先中憲公居永昌曾著吳三桂傳及真變記二種皆紀逆藩之事越數載火焚故居滿目蓬蒿南中雜說雖行世視所失稿僅存十之一耳真變距今四十餘載談往事者無稽之言人各一說無他地遠事久以訛傳訛故也不孝健當日趨庭所受教懼久而忘因舉所聞猶能記憶者書之於丹粗分六袞錄其大槩雖畧而不詳然以視耳食之談竊自以爲有聞惜乎逮養之秋不能珥筆致使今日欲聞其事而無從繼自今網羅軼事勒成一書誅亂賊於旣死以報先人於地下健雖不敏不敢不任其實也

康熙五十八年歲在庚子春三月劉健



庭聞錄目錄

卷一

乞師逐寇

卷二

鎮秦狗蜀

卷三

收滇入緬

卷四

開藩專制

卷五

稱兵滅族

卷六

庭聞錄

目錄

雜錄備遺

庭聞錄卷一

南昌劉健述

乞師逐寇

吳三桂字月所先世由徽州至高郵流寓遼東因家焉父驥母祖氏祖大壽之同懷也三桂自少爲邊將勇而敢戰嘗逐一騎射之騎墮地佯死三桂下馬欲取其首騎揮佩刀刃之桂中鼻血流被面卒斬其首攜之歸總監高起潛三桂義父也大喜曰真我兒也上其功得優敘自此累遷至總兵官鎮寧遠吳驥字兩瓊以寧遠前屯中後所籍登天啓二年壬戌科武進士累官都指揮使鎮寧遠崇禎四年遼東巡撫邱禾嘉請城大凌河朝命遼帥祖大壽帥勁旅護版築役八月我大清兵大至圍大凌河絕大壽餉道邱禾嘉督總兵宋偉及驤救之二十七日

戰于長山

大清兵先突偉營固攻不能入前鋒多死移

攻驤驤師潰南奔偉力戰至晡亦奔治敗軍罪驤坐削職是冬
閏十一月登州游擊孔有德帥兵援遼兵譟于吳橋反陷登州
圍萊州固守五年六月戶部右侍郎劉重慶四川道御史王萬
象並疏請開巡兵援萊州初九日詔總監中宮高起潛督總兵
金國奇等剿賊令驤從征立功八月十九日驤從諸將敗賊於
沙河三十日又敗於白馬入登州九月初一日圍登州十一月
復驤原官金國奇卒即以驤代之六年二月十三日孔有德遁
出海外六日復大城十八日復水城七月敘功授驤都督同知
蔭一子錦衣百戶世襲十七年春流賊李自成自秦犯晉所至
皆破畿輔大震二月初二日薊督王永吉請撤關外四城謂前
後屯失守遠孤懸二百里外四面阻敵防禦極難且寇氛日

迫三輔震驚宜徹宣遠令吳三桂統邊兵守山海關卽京師有警關門之援可旦夕而至也帝聞閣臣陳演魏藻德等演私念上有急故行永吉計事定而以棄地責我又奈何且揭持一寸山河一寸金之說帝諭演曰棄宣遠守關城誠屬下策然非得已于是復集科道九卿會議德政殿聚訟不能決主永吉議者惟大學士范景文兵部尙書張縉彥兵部侍郎金之俊左都御史李邦華翰林學士倪元璐吏科給事中吳麟徵爭尤力謂宣遠孤城其勢必棄今日棄之爲棄地他日棄之爲棄人棄地已不可棄地兼棄人更不可吳三桂勇將宜收用勿委之敵人今寇旦夕至若使榮捍京師一舉兩得又疏邊臣不可令有懼心尤不可令有死心臣讀三桂疏言切情危若有格格不忍言之意臣知其有懼心始以裏屍自任終爲父弟乞恩臣知其死心

今寇勢方張不早徙近捍禦京師何所恃乎疏再上閣中堅執如初時吳驥爲中軍府都督羣臣請召見熟計其宜驥備陳邊兵精銳三桂才可辦賊狀帝欲從之而廷議不一承吉之策竟格不行及賊鋒日逼始決計調兵三月初五日封三桂平西伯詔徙寧遠之衆入援京師數十萬衆日行數十里十六日入關二十日至豐潤閻變還師山海關吳驥既降賊三桂亦以所部之衆西行赴降道遇家人來自京師者詰問得父被執狀莞爾曰此脅我降耳何患復聞陳姬無恙乎陳姬名沅字圓圓吳門名妓得之戚畹田宏遇者也色美而善歌三桂嬖之賊執驥圓圓爲僞將軍劉宗敏所掠家人以告三桂怒曰大丈夫不能保一女子何面目見人耶遂揮衆返縱掠而來

陳沅之事言者多殊陸次雲陳沅傳以奪沅者爲李自成不

知其爲宗敏也傳文雖詳考究未確其點綴處尤多已甚之
詞又有云崇禎辛巳年田宏遇進香普陀道經蘇州購沅以
歸三桂奉命出鎮宏遇餞之出沅佐觴三桂悅之以爲請宏
遇許俟終年後果送至驥宅驥不敢受仍歸田氏而客以報
三桂時有入衛之命疾馳赴京欲乘便取沅中途聞劉宗敏
踞宏遇宅挾沅日事酣宴遂大怒出關乞師又有云吳妓陳
沅顧壽並名噪一時田宏遇以重價市壽而沅名更高不易
得會其媚以細故得罪欲求好無以通媚百計購沅以獻宏
遇善之如初未幾宏遇卒驥入都三桂使人持千金隨驥市
沅既得驥遣送寧遠京師陷劉宗敏踞宏遇宅聞沅壽名索
之壽從優人私逸而沅先爲三桂購去宗敏於是斬優人七
而繫驥索沅驥具言送寧遠已久宗敏不信拷掠備至二說

彼此微異至謂三桂入衛之時方欲取沅與謂沅在寧遠者皆非也惟吳梅村圓圓曲爲得其真當日梅村詩出三桂大慙厚賄求毀板梅村不許三桂雖橫卒無如何也

自成聞三桂之來而復返也命僞相牛金星假驤書招之曰爾以皇命特簡得專閫任非有累戰功也不過謂強敵在前非有異恩激勸不足以誘致英士此管子所以行賞罰之令而漢高見韓彭則予璽任之類也今爾徙師軍容怯懦觀望使李兵長驅深入旣無批吭搗虛之謀復無形格勢禁之力事勢已失天命難回吾君已矣爾父命在須臾嗚呼識時務者可以知所變計也皆徐元直棄漢歸魏不爲不忠伍子胥違楚適吳不爲不孝然以二者揣之爲子胥難爲元直易我爲爾計不若反手唧壁貫鍔昇棺及今早降不失通侯之位而猶全孝子之名萬一

徒恃憤驕全無節制主客之勢旣殊衆寡之形不敵頓甲堅城
一朝殲盡使爾父無辜並受戮辱身名俱喪臣子均失不亦大
可慟哉語云知子莫若父吾不能爲趙奢爾殆有疑于括也降
將唐通亦遺書招之三桂不答上書于父畧白桂以父廕熟聞
義訓得待罪戎行日夜厲志冀得一當以酬主眷屬邊警方亟
寧遠爲國門戶淪陷幾盡桂方力圖恢復以爲李賊猖獗不久
卽當撲滅恐往復道路兩失事機故爾暫稽時日不意我國無
人望風而靡吾父督理御營勢非小弱巍巍萬雉何至一二日
便至失墜使桂捲甲赴闕事已後期悲恨何極側聞主上宴駕
臣民僂辱不勝眦裂猶憶吾父素負忠義大勢雖去猶當奮槌
一擊誓不俱生不則刎頸闕下以殉國難使桂亦縞素號慟伏
劍復仇不濟則以死繼之豈非忠孝媲美乎何乃隱忍偷生訓

以非義旣無孝寬禦寇之才復愧平原罵賊之勇夫元直荏苒
爲母罪人陵苞二親並著英烈我父矯矯王臣反愧巾幗女子
父旣不能爲忠臣兒安能爲孝子乎桂與父訣請自今日父不
早圖賊雖置父鼎俎傍以誘之桂不顧也傳檄遠近討賊復仇
招集潰散及唐通降兵約二萬人以衆寡不敵爲慮有進乞師
策者遂遣副將郭雲龍楊坤孫文煥請兵於

大清時和碩

睿親王湯鵠泰行九稱攝政王西征師次翁後得三桂請大喜
許諾四月十三日自成命牛金星居守自率劉宗敏等以精兵
數十萬東擊三桂并挾永王定王及吳驥以行十八日賊兵犯
關城圍之數匝關東二里許有羅城外拒賊慮三桂東遁出二
萬騎從關西一片石轉東夾攻關外城三桂堅壁拒守遣人趣
大清援兵睿王兼程進命英王麟屹塔行八將萬騎爲左

翼由西水關入豫王阿吉奇行十將萬騎爲右翼由東水關入
自以大兵隨後繼使宿將祖大壽帥精甲駐秋喜嶺高張旗幟
爲聲援三桂選死士五百人突圍出謁睿王情詞懇切聲與淚
俱一軍爲之動容三桂卽壁中薙髮與睿王鑽刀定盟而返二
十一日開關出戰敗之賊分道並進會日暮乃罷二十二日復
戰賊知邊兵勁成敗待此一決驅其衆死鬪三桂悉銳而出無
不以一當十殺傷過半賊恃其衆鼓勇迭進挾二王子廟岡立
焉觀戰賊衆我寡三面受敵我兵東西馳突賊衆亦左縈而右
拂之陣數十交圍開復合自成按轡岡上見有騎兵出三桂旁
突陣而入者自成麾後軍益進或曰彼騎兵非關寧兵必滿洲
兵也宜避之騎兵銳甚所至莫當自成策馬走諸賊畏令嚴未
敢退忽塵開見辮而甲者咸驚呼曰滿兵來矣拉然崩潰是日